



ჭეშმარიტად, ადამიანი ილოცებს, მაგრამ მას მისი ლოცვიდან მხოლოდ მეათედი, მეცხრედი, მერვედი, მეშვიდედი, მეექვსედი, მეხუთედი, მეოთხედი, მესამედი ან ნახევარი ეწერება — მისი ყურადღებისა და გულმოდგინების მიხედვით

აბდულლაჰ ბინ 'ანამამ თქვა: დავინახე ამმარ ბინ იასირი შემოვიდა მეჩეთში და ილოცა, მან მოკლედ ილოცა, თქვა: როცა მორჩა ლოცვას წამოვდექი და ვუთხარი: ო, აბუ ალ-იყბან ძალიან სწრაფად ილოცე, მან თქვა: მისი საზღვრებიდან რომელიმეს დარღვევაში დამინახე? ვუთხარი: არა, თქვა: ჭეშმარიტად, მე ლოცვას დავუჩქარე სანამ ეშმაკი ყურადღებას გამიფანტავდა, გავიგონე ალლაჰის შუამავალი (ალლაჰის ლოცვა და მშვიდობა მას) ამბობდა: «ჭეშმარიტად, ადამიანი ილოცებს, მაგრამ მას მისი ლოცვიდან მხოლოდ მეათედი, მეცხრედი, მერვედი, მეშვიდედი, მეექვსედი, მეხუთედი, მეოთხედი, მესამედი ან ნახევარი ეწერება — მისი ყურადღებისა და გულმოდგინების მიხედვით».

[კარგი (ჰასანი)] [გადმოსცა აჰმადმა]

ამმარ ბინ იასირი (ალლაჰი იყოს მათით კმაყოფილი) შევიდა მეჩეთში და ილოცა ნებაყოფილობითი ლოცვა, მან მსუბუქად (მოკლედ) ილოცა, როცა გამოვიდა მეჩეთიდან მას თან გაჰყვა აბდულლაჰ ბინ 'ანამამ და უთხრა მას: ო, აბუ ალ-იყბან, დავინახე, რომ ძალიან მოკლედ ილოცე. ამმარმა თქვა: მისი პირობებიდან, ვალდებულებებიდან და საფუძვლებიდან რომელიმეს დარღვევაში დამინახე? თქვა: არა, თქვა: მე ის შევამოკლე მანამ, სანამ ეშმაკი გონებას გამიფანტავდა. გავიგონე ალლაჰის შუამავალი (ალლაჰის ლოცვა და მშვიდობა მას) ამბობდა: ჭეშმარიტად, ადამიანი ილოცებს, მაგრამ მას მისი ლოცვიდან მხოლოდ მეათედი, მეცხრედი, მერვედი, მეშვიდედი, მეექვსედი, მეხუთედი, მეოთხედი, მესამედი ან ნახევარი ეწერება — მისი ყურადღებისა და გულმოდგინების მიხედვით.

<https://sunnah.global/hadeeth/ka/show/65468>

